

Wk. 968

NR. 289 – Samstag, 11.12.2004

Su schwätze mir

Dä Koppschmuck



■ Von Katharina Schaaf

Mer fräächt sich oft am Johresrest:
„Wo es die Zeit bluß hin?“.
Zwölf Monat, samt Geburtsdaachfest,
ginn einem dorch dä Sinn.

Dä Nikelohs wor och schun do,
morje es dretter Advent. Der
Nikelohsmötsch – säht mer jetzt noh –
wär gefährlich fier dat Kend!

Die rute Mötsch met wäißem Rand
modern, zor Zäit begehrt,
wierd drauße on och häizoland
leider manichmol entehrt.

Die Ur-Uhma erennert sech:
Von onsem Nikelohs
wor „dä Koppschmuck“ bischhöflich,
ä kohm emmer zo Fooß.

Dä „Belzebock“, schwazz em Gesicht,
die „Roth“ stets en der Hand.
Domet han ich och Klöppes gricht,
mäine Buckel – dä hiel Stand.

Hat nix geschad', ich leewe noch,
alles gieht einmal rom!
Do stellt dat Enkelche die Froch:
„Bes dau dovon su kromm?“

Katharina Schaaf

11.12.2004